

Ziñdā Kī Talaash Qabr Me

Iñjeel : Mattā 28:1-10

Sabat ke baad, hafte kā pahalā din itwaar thā. Us din subah-sawere Maryam Magdaleenī aur dusrī aurat, jiskā naam bhī Maryam thā, Īsā^(a.s) kī qabrgaah ko dekhne gaeen.⁽¹⁾ Jab Allaah taa'alā kā farishtā āsmaan se zameen par āyā to zameen hil gayī. Farishte ne qabrgaah kā pathar hañayā aur uske upar baith gayā.⁽²⁾ Wo farishtā bijlī kī tarah chamak rahā thā aur uske kapde barf kī tarah safed the.⁽³⁾ Jo Romī sipaahī qabr kī rakhwaalī kar rahe the, unkā ñar ke maare dam nikalne lagā.⁽⁴⁾

Farishte ne un auratoñ se kahā, “Daro mat! Mujhe patā hai ki tum Īsā^(a.s) ko ɏhuñdh rahī ho, jinko sulī par chañhā diyā gayā thā,⁽⁵⁾ lekin wo yahaan naheeñ haiñ. Wo ziñdā ho chuke haiñ, jaisā ki unhone kahā thā ki wo ziñdā ho jaaeñge. Āo, us jagah ko ɏhud dekh lo jahaan unheñ rakhā gayā thā.⁽⁶⁾ Tum jaldī se jā kar unke shaagirdoñ ko ye ɏhabar sunao, ‘Suno! Īsā^(a.s) maut se ziñdā ho uñthe haiñ. Wo Galeel kī taraf jā rahe haiñ aur tum logoñ se waheen mulaaqaat kareñge. Tum unheñ waheeñ dekh paaoge.’” Farishte ne unse kahā ki wo log uskī kahī huī baatoñ par ɏgaur kareñ.⁽⁷⁾

Wo auraten qabrgaah se fauran waapas ā gaeen. Un auratoñ ko ñar ke saath ɏhushī bhī mahasus ho rahī thī. Wo daud kar shaagirdoñ ke paas gaeen taaki wo unheñ purī daastaan sunā sakeñ ki qabrgaah par kyā huā thā.⁽⁸⁾

Lekin achaanak, Īsā^(a.s) un sab auratoñ ke saamne pahuñch gae. Unhone sabko salaamtī kī duā dī. Wo auraten unke qadmoñ me gir pañeen.⁽⁹⁾ Tab Īsā^(a.s) ne unse kahā, “Daro naheeñ. Jaao aur mere bhaaiyoñ se kaho ki wo Galeel chale jaaeñ.”⁽¹⁰⁾